



大醫
編

濟世全書

坤 集 七 卷

小兒科

急驚

慢驚

疳疾

癖疾

諸熱

痰喘

吐瀉

痢疾

瘡疾

傷食

感冒

咳嗽痰熱

小兒初生雜病
凡十餘

痘瘡

女山痘

孕婦出痘

麻疹

武
308
7



門 賦
318
卷 7



新刊醫林狀元濟世全書卷之七

太醫院吏目金谿雲林龔廷賢子才編著 男守國 定國 才錄

黃信府同知涪州灼無陣 直 校正

門人慈谿庠生羅國望 臨川黃 卷

偃師庠生史 洞 盱都番士炫

南陽指揮王貴卿 同邑胡廷訓

大梁王有年 傳鍾奇

信陽吳至善 陶本字

豫章萬景初 劉思岐全校

洪都龔景章

金陵書坊萬卷樓存義堂如泉周文耀刊行

醫林

卷之七

乾集

小兒科

小兒諸病但見兩眼無精光黑精無運轉目眩無睛芒如魚眼貓眼之狀箇箇不治或神藏於內但外若昏困者無妨其有病篤而眼神氣不脫者猶可以活眼者五臟六腑神氣之所發神氣已脫脈雖僅存亦未能保

小兒之脈洪則為實濡則為虛緊則為風緩則為積數則為熱遲則為涼更首虎口三關紋理兩手食指本節為風關中節為氣關第二節為命關其紋曲直不同如紋只在在本節病易治透過中節則病重過第三節則難治驚則紋青淡紅則寒熱在表深紅必主傷寒痘疹紋亂則病久紋細則腹痛多啼乳食不消紋直射指甲必主驚風惡候紋黑如墨必困難醫此乃神聖工巧之工端也

觀面部察色

左腮屬肝其色青者為順白者為逆若色赤主肝經風熱發熱向急青

黑主驚風腹痛淡赤主潮熱痰嗽

右腮屬肺其色白者為順赤者為逆若赤色甚者主咳嗽喘急悶乳飲

水傳於腎則小便赤澀或淋閉不通

額上屬心其色赤者為順黑者為逆若青黑主驚風復痛癩癧啼哭微

黃主溢汗頭髮乾燥驚疳骨熱

鼻屬脾其色黃者為順青者為逆若色赤主脾經虛熱飲食少思呆黃

主小便閉而鼻燥衄血

頰屬腎其色黑者為順黃者為逆若色赤主腎與膀胱有熱而小便不通



下頰屬腎水北
 左頰屬肝木東
 額上屬心火南
 鼻準屬脾土中
 右頰屬肺金西
 又為太陰

一云耳輪
 一云眉睫
 上下及太陽
 一云人中是

觀面部五色 一面赤為風熱 面青驚可詳 心肝形此見

脈症辨溫涼 脾怯黃疳積 虛寒脫白光 若逢生黑色

腎敗命須亡 陰弱陽強髮硬柔 若是傷寒雙足冷

要知有熱用皮求 鼻冷便知是瘡疹 且冷應知風熱症

辨證歌 紫熱紅傷寒 青驚白色疳 黑紋因中惡 黃色自脾端

渾身皆熱是傷寒 上熱下冷傷食病

辨證歌 紫熱紅傷寒 青驚白色疳 黑紋因中惡 黃色自脾端

虎口叉手處是也

三關第二指反三節

風關第一節位現於風關為輕

氣關第二節位現於氣關為重

命關第三節位現於命關則難矣



五指稍頭冷 驚來不可當 若逢中指熱 必定是傷寒
 中指獨自冷 麻痘症相傳 女右男分左 分明仔細看

歌訣 小兒外症十五候歌

眼上赤脉 下貫瞳人 顛門腫起 兼及作坑 鼻乾黑燥
 肚大青筋 目多直視 靨不轉睛 指甲黑色 忽作鴉聲
 虛舌出口 齒齧咬入 魚口氣急 啼不作聲 蛔虫既出
 必是死形 用藥速救 十無一生

急驚

夫急驚之候因聞不常之聲或遇駟馬禽獸之吼以致面青口噤或舌
 嘶而厥發過則容色如故良久復作其身熱面赤引飲口鼻中氣熱
 大小便黃赤色惺惺不睡蓋熱甚則生痰痰盛則生風偶固驚而發
 耳蓋急驚屬肝木風邪有餘之症治宜清涼苦寒瀉氣之藥宜鎮驚
 散抑肝散抱龍丸之類

鎮驚散 主方 治驚風搐搦痰嗽喘熱

肝胆星 防風 薄荷 甘草

右生散生薑一片水煎服

抑肝散 治肝經虛熱發搐或發熱咬牙或驚悸寒熱或水乘土而嘔

吐痰涎腹脹少食睡卧不安者

當歸一錢 川芎八分 白木炒一錢 茯苓一錢 柴胡五分
 鈎藤鈎一錢 甘草五分 水煎子母服

治小兒角弓反張目直視因驚而致

用南星半夏姜三片煎熟入竹瀝姜汁灌服

治小兒發熱驚喘

防風 蟬退 白芍 木通 車前
 赤茯苓 麥門冬 甘草 用燈草水煎服

治小兒發搐眼番口噤抽掣痰喘氣促

神效抱龍丸 抱龍之義抱者保也龍者肝也肝應東方青龍木木生火謂生我者父母也肝為母心為子母安則子安况心藏神肝藏魂神魂既安不從何生故曰抱龍丸理嬰兒諸驚四時感冒瘟疫邪熱致煩燥不寧痰嗽氣急并瘡疹欲出發搐並宜服之其藥性溫平不僭不燥常服驅風化痰鎮心解熱和脾胃益精神大有神效

牛膽南星兩 天竺黃五錢 雄黃二錢半 朱砂二錢半 真財香一錢
右為極細末濃煎甘草水煮麵糊為丸如芡實大雪水煮糊更佳
用薄荷湯研化服或葱白湯○痰壅咳嗽姜湯○痘疹見形有驚白湯下○心悸不安燈草煎湯入真珠末和勻不拘時服○錢仲陽加天麻○一方加牛黃五分珍珠一錢琥珀一錢水炙甘草膏為丸金箔十片為衣治驚風百病大有神功

治急驚風見生人如見虎面赤口紅舌生芒刺喉中痰響眼目直視手足牽連並治慢驚不可服
用芫荽為末稀麵糊為丸如菉豆大每服五七丸煖心竹瀝湯下

慢驚

夫慢驚之症多因乳食不節損傷脾胃以致吐瀉日久中氣太虛而致發搐發則無休止時其身冷面黃不渴口鼻中氣寒大小便青白昏睡露睛目上視手足痠痠筋脉拘攣蓋脾虛則生風風盛則筋急俗名天吊風者即此候也蓋慢驚屬脾土中氣不足之症治宜中和甘溫補中之劑宜七味白朮散醒脾散之類

一 小兒吐瀉日久成慢驚風默默不語昏睡露睛遍身手足厥冷十分危篤死在須臾百藥罔效一家哭泣子製附子理中湯一劑服之頓

醒脾散 治後以醒脾散調理而愈

醒脾散 治小兒吐瀉不止作慢驚風脾困昏沉默默不食

人參 白木去青炒 白茯苓去皮 木香 全蝎

天麻 姜蚕 白附子 甘草炙 姜棗煎服

加味大醒脾散 治小兒慢脾風內虛昏迷不醒

人參 白木炒 茯苓 陳皮 丁香

木香 南星泡 全蝎去毒炒 天麻煨 白附子煨

山藥炒 石蓮子去心 石菖蒲 肉菴 砂仁

甘草 牛薑一片棗一枚 回陽加大附子

治慢驚慢脾危惡症候藥力不到者但看兩脚面中間陷處有太冲脉
則灸百會穴三五壯炷如小麥大灸後仍以醒脾之劑調之
釀乳法 治慢驚睡多驚啼凡面黃脉細者難治

水香 沉香 藿香 丁香煨半 陳皮

人參 神曲 麥芽

右到每服四錢紫蘇十葉生姜十片棗二枚水煎先冷乳母食後
捏去宿乳汁服之即便卧雲時令藥入乳之脉次令兒吮不可過
飽亦良法也

生珠丹 治急慢驚至危者并如反張四肢冷

天麻二錢半 全蝎一箇 白附子煨二錢 姜蚕一錢 南星煨一錢

大附子炮一錢 朱砂二錢 射香半字 白花蛇酒浸炙乾二錢

蜈蚣一錢酒浸

右為細末和勻煉蜜丸如雞頭大每服一丸薄荷湯化下

治小兒驚風並退只是聲啞不能言并治諸病後不能語

用天南星前炮去皮膠為末每服半字或一字三五歲兒服半

疳疾

附魁病

夫小兒疳疾皆因恣食甘肥與夫瓜果生冷及一切菓在周和之味朝
食暮食漸成積滯膠固以致身熱體瘦面色痿黃或肚大青筋更痛
瀉利而諸疳之症作矣大抵疳病當辨冷熱肥瘦而治其初病者為
肥熱疳又疾者為瘦冷疳冷熱並宜後諸方選而用之

消疳飲 主方

治小兒疳疾身熱面黃肚大青筋瘦弱通治諸疳

人參

白朮 去油炒

白茯苓 去皮

胡黃連

宣黃連

神曲 炒

青皮 去穢

陳皮

砂仁

甘草

右剉水煎服○傷食加山查肉○有虫加史君子

九味芳膏丸

治疳積瘰癧結核耳內生瘡或疔氣囊腫下疳潰爛或
聚出白津腹脹有瘡或身熱熱渴大便不調牙齦蝕落頰腮腐爛

胡黃連

黃連

芳膏

木香

白蕪夷 炒

青皮

白雷丸

鶴虱草 各一兩

射香 三錢

右為末蒸餅糊為丸如麻子大每服一錢空心米湯下

一小兒下疳潰爛發熱作痛

一小兒腎莖中潰痛小便閉滿日痛尤甚

一小兒目痒出水或項間結核或兩眼連翳或陰囊瘡年餘矣俱

屬肝火用九味芳膏丸並

加味肥兒丸

治諸疳積肚腹脹大發熱

青皮 炒

陳皮

三稜 煨醋炒

莪木 煨醋炒

香艾

神曲 炒

麥芽 炒

白朮 去油炒

白茯苓

黃連 姜炒

胡黃連

史君子 土產蘆薈

檳榔 各五錢

木香 三錢

右為末麵糊丸如蘿蔔子大每二四十九燈心湯下○虛加人參

不發熱去胡黃連

治小兒疳積腹脹如鼓

用蝦蟆不拘多少每日用三四隻去頭足皮腸止用本身四腿以

白水入鹽酒葱椒煮熟與吃以愈為度

治小兒疳瀉

赤石脂炒為末粥飲調服小兒不肯服藥者服此甚妙

凡小兒諸疳腹脹肌瘦立眉豎眼頭毛生瘡結如麥穗

用立秋以後大蝦蟆一隻去首刮去腸肚以清油調之上加以覆

瓦下加以仰瓦各用火以炙之令熟與患者食腹中之積穢盡

再如前連服四五隻一月之後形容改變非常劫不可言

補中益氣湯 治中氣虛弱脾疲食少或發熱煩渴或因藥剋伐元氣

虛損惡寒發熱肢體倦怠飲食少思或兼飲食勞倦頭痛身熱煩燥

作渴脉洪大弦虛或微細軟弱右關寸獨甚亦宜用之大凡久病或

過服剋伐之劑虧損元氣而諸症悉具者最宜此湯調補若母有前

症致兒為患者尤宜用之諸疳疔塊久治不愈多服尤功

黃芪 正氣人參 各八分 白朮 去蘆 陳皮 甘草 各五分

升麻 柴胡 各二分 當歸 一錢

如有剋作劑姜棗水煎空心午前服

六味地黃丸 治小兒諸疾照後加減

熟地黃 酒洗 山藥 二兩 石棗 酒洗 白茯苓 一兩

杜丹皮 兩 澤瀉 一兩 牛 右為末煉蜜為丸如梧子大每服三五丸白滾水下或剋散作

湯服亦可

小兒遺尿失禁加破故紙益智仁人參肉桂小兒雀節加鹿茸牛

膝人參○小兒解顛顛頭縫開解不合也加人參○小兒喜賦腎
 經虛熱耳內生瘡或肌肉消瘦骨節露名節疳加鹿茸牛膝各
 一兩五味子四兩若顛解不合牙齒不生眼睛不黑腿軟難行宜
 服此丸

○愚按右方治肝經血虛燥熱或腎經虛熱作渴小便淋秘痰氣上壅
 或風客淫氣患瘰癧結核或四肢發搐眼目瞤動或咳嗽吐血頭目
 眩暈或咽喉燥痛口舌瘡裂或自汗盜汗便血諸血或稟腎不足肢
 體瘦弱解顛失音或畏明下窺五運五軟腎疳疳疳或早近女色精
 血虧耗五臟齊損凡屬腎肝諸虛不足之症皆宜用此以滋化源功
 不盡述

加味香蟾丸 治小兒疳積塊其効如神 賈蘭峰傳
 胡黃連 五錢 岩薈 二錢 史君子 煨去壳三錢 阿魏 醋畏三錢

乾蟾炒 龍胆草酒洗 川黃連猪胆炒 五錢 青皮香油炒 三錢

陳皮去白 木香 神曲炒 五錢 山查去子 六人參 三錢

白朮去青 五 白茯苓去皮 甘草 五分

右為末猪膽汁丸如菟豆大每服二三十丸米湯送下

養真益元膏 治小兒疳積面黃肌瘦體熱
 人參 五錢 白朮炒 茯苓 一兩 陳皮 一兩 山藥 一兩

山查肉 二兩 麥門冬去心 甘草 炙五錢

癖疾

癖者血膜包水僻側於脇傍時時而作痛也惟癖為能發潮熱惟癖為
 能生寒熱故瘡家中脫多蓄黃水日久而後結癖寒熱之不已者以

此小兒臟腑和平榮衛調暢則津液自然流通縱使多飲水漿不能
為病惟失乳哺失調三焦閉格以致水漿停滯腸胃不能宣行冷氣
搏之於是結聚而成癰矣

消癰湯 土方

治小兒癰疾發熱口乾尿赤

人參

白朮

白茯苓

半夏 姜炒

柴胡

黃芩

豬苓

澤瀉

胡黃連

麥門冬 去心

三稜 醋炒

莪朮 醋炒

甘草

山查 去子

姜棗煎服

此方服之立効如癰病日久元氣虧損此方不能奏効宜多服補中

益氣湯 養正積自除 方見疳疾

參朮肥兒丸 治癰塊發熱王道之劑久服除根

人參 三錢半

白朮 去油 三錢

白茯苓 去皮 三錢

胡黃連 五錢

史君子 去壳 四錢半

神曲 炒 三錢

山查 去子 三錢

麥芽 炒 三錢

甘草 炙 三錢

黃連 麥汁炒 三錢半

真薑薈 二錢半 碗盛泥封置土坑 俗糖火煨透用

右為末陳小黃末粉糊為丸葦豆大每服一二二十九米湯下

按石方治癰疾攻掠兼補多服收功

黃龍丸 治小兒癰塊

雄黃 一錢半

蜈蚣 三條 砂鍋內炒 去頭足

苦薈 三分

阿魏 三分

牛黃 一分

天竺黃 三分

右為末化黃蠟一兩為丸葦豆大先服七丸則熱退次服九丸則塊消三服十丸則病根除每用黃蠟煎雞子清入藥子內黃下

勝金丹

阿魏 一錢

苦薈 一分

天竺黃 一分

沒藥 一分

雄黃 一分

川山甲 一分

黃土 炒黃色

胡黃連 一分

血竭 一分

礞石 水炒

沉香 各一分

蟾酥 三分

白草烏 三箇 童便浸 一宿 焙乾

右共為細末用上好黃酒入銅器內熬膏打麵糊為丸如菽豆大每
次服二丸晚上黃酒送下汗出即效連進三服癰即消矣忌一切
生冷發物此方乃許昌僧傳效

牛黃化癰散

太府劉如川傳

牛黃

苦薈

姜蚕 各二錢

孩兒茶

阿魏

甘草 各三錢

大黃 一兩一錢

穿山甲

十片黃土炒焦

右為細末每服五分蜜水或黃酒調空心服忌生冷

按右方專攻之劑虛者慎之

神仙化癰丸

太康朱前吾傳

苦薈 一錢

史君子 去壳

胡黃連 各二錢

阿魏 為糝

青代 各一錢

水紅花子 四錢

厚朴 姜炒

陳皮 去白

檳榔 各一錢

中由 炒四錢

麥芽 炒四錢

山查肉 二錢

香附 水浸

二撥 煨醋炒

菝葜 煨醋炒 入參

白朮 去芦炒 甘草 炙

右為末將阿魏一錢水研開和麵糊為丸菝葜豆大每四五十丸米

飲白湯任下

○按右方攻補兼施之劑

一小兒腹中一塊或作痛或上攻小便不調用龍胆瀉肝湯苦薈丸而
愈後形氣銷燥發熱作渴此肝木制伏脾土用補中益氣湯兼苦薈
丸而已

化癰膏

朱前吾傳

大黃

白芷 各二錢

三稜 各二錢

菝葜 各一兩

木鱉子 十個

蜈蚣 十條

穿山甲 片十五

巴豆 十筒

菝葜子 十筒

梔子 五箇

黃連 五錢

槐柳條 三百

香油二斤入藥熬黑色去渣瀝淨再加

黃丹一斤熬滴水成珠再加血蝎五錢苦薈五錢天竺黃五錢輕

粉五錢阿魏五錢射香五分胡黃連二錢硼砂二錢硃砂二錢烏
末下油內攪勻攤貼患處退熱消塊如神
貼小兒癬疾久不愈不肯服藥者許昌李益庵傳

阿魏 一錢 沉香 五分 射香 三分 天麻 三錢 地骨皮 三錢

大黃 三錢 梔子 四十 乾漆 三錢 巴豆 三箇去 生地黄 三錢

木鱉子 三箇皮硝 一兩 生蘿蔔 二兩 生酒醋 半片

以上共十二味俱為細末蘿蔔先搗爛如泥同前藥盡入酒醋內
再搗干下將藥攤青布上貼患處外以油紙護之上以布帕束腰
間初時每自夜各換新藥一次過三日後藥乾乃換此方三日內
止熱七日外皮青塊軟二七後自覺漸消愈已經驗數人
神鳳膏 黃賓江傳 消癬塊

劉寄奴 威靈仙 朴硝 各一兩

右劉細每鷄鶩一隻剖淨去腸肚將藥二錢填入內線縫固用水

醋酒各一碗半同煮熟去藥吃鷄

白花膏 貼癬消積退熱如神

用白花菜不拘多少搗爛雞清和為一餅貼癬塊上

蟠桃會 李西嶺傳 消癬塊

青皮 陳皮 三棱 莪朮 大黃

木鱉子 去壳各三錢 皮硝 二兩

胡桃二十箇打損用水大碗同煮乾去藥將核桃仁去皮任意食

烏龍肝 治癬積

豬肝一斤切片滾水焯熟煎乾黃蠟四兩入鍋化開入肝攪勻

心滾水吃忌生冷油膩大人二片小者一片愈

秘傳化癬膏 成都憲方 消癬塊如神

黃狗腦子三箇皮硝半斤射香二分珍珠一錢共搗成餅分作三
 次用先冷病者飲食稍飽病人仰臥搗塊之大小用筆圈定以
 作圈圍住另用麵作圈放於圈裏以草紙貼塊上將藥攤貼紙上
 用火慢慢熨之熨盡藥枯為妙次日又如此三次熨盡用桃仁承
 氣湯一劑服之即下血塊神效其臍番出不治其塊收上心去不
 治桃仁大黃芒硝桂枝甘草已上五味即桃仁承氣湯

治疔瘡牙齦臭爛齒牙脫落皮肉破壞用紅棗五枚去核每棗一枚入
 人言一分火煨存性為極細末加黃柏五分青代三分川山甲五分
 燒為細末和勻搽患處神效

諸熱

碧玉散 治小兒十分潮熱五七日不退 ○丁方加寒水石灰煨五錢

滑石兩 青黛五錢 石膏五錢 甘草生五錢 石為末每二錢茶湯調服

大連翹飲 治小兒傷風感冒發熱咳嗽壅風熱丹毒瘡疹頸項有核頭

赤癩癩一切發熱并疔毒等症

連翹 黃芩 梔子 柴胡 赤芍

木通 藿麥 車前 滑石 當歸

防風 荆芥 牛蒡子 蟬退 甘草

用燈心竹葉煎服

五福化毒丹 治上焦熱壅唇口腫破生瘡牙齦出血口鼻并痘疹等

毒未解或頭面身諸多生瘡癩

烏犀角錢三 桔梗一兩 生地黄酒洗 赤茯苓 牛蒡子炒各

連翹六錢 玄參大錢 青黛二錢 朴硝 粉草各三錢

右為細末煉蜜為丸如龍眼大每一粒薄荷湯研化下兼有驚加

未砂為衣

痰喘

痰者風之苗熟生於心痰生於火火者痰之根靜則伏於脾土動則發於肺金水澄則清水沸則渾小兒痰嗽乃心火制射肺金或寒邪停留肺俞寒化為熱必生痰喘咳逆上氣肺脹胸膈俗為馬脾風又為風喉若不速治立見危殆

奪命丹 治風涎灌膈利痰去風

煨過青蒙石為末煉蜜為丸量急加減生薄荷汁送下

治小兒喉中痰壅喘甚

用巴豆一枚搗爛作一丸以棉花包裹男左女右塞鼻痰即墜下

保金丸 治小兒痰喘咳嗽

南星

半夏

白礬生

牙皂

杏仁去皮

巴豆

去壳各等分另研

右為末合一處再研令勻棗肉為丸如梧子大每服三丸吐乳者上燒存性研爛茶清下

吐瀉

夫小兒吐瀉皆由乳食過度傳化失常蓋食鬱則成熱熱鬱則成酸酸而成吐成瀉此必然之理也又曰食滯於胃口者為吐食滯於大小腸者為瀉吐瀉世黃傷熱物也吐瀉世青傷冷物也皆當微下萬慮丸主之亦有不須下而以燒針丸白朮散皆可選用

七味白朮散主方

治小兒脾胃久虛嘔吐泄瀉頻併不止津液枯竭發熱煩渴多燥但欲飲水乳食不進羸困失治變成風癩不問陰陽

虛實並宜服之

人參

白木

去芦炒

白茯苓

木香

藿香

乾菴

甘草

姜棗煎

煎服

如小兒頻頻瀉痢將成慢驚加山藥扁豆肉豆蔻各一錢入姜一七

若慢驚已作加細辛天麻各一錢全蝎三箇白附子八分

右小兒冬月吐乳多是胃寒胃虛所致加丁香二粒

若胃虛不能食而大渴不止者不可用淡滲之藥乃胃中元氣少故

也以白木散補之

如不能食如渴者倍乾菴加天花粉

木香餅子

治小兒傷食泄瀉吐乳腹脹赤白痢疾

木香

一錢

砂仁

二錢半

椰子

泡去核

肉豆蔻

煨

青皮

炒

厚朴

去芦炒

藿香

二錢

白木

去芦炒

麥芽

炒

甘草

炙

右爲細末煉蜜丸如芡實六捏作餅子每一餅米湯化下

朱沈煎 治小兒嘔吐不止

朱砂

飛

沉香

一錢

藿香

一錢

滑石

二錢半

丁香

七箇

右爲末每服半錢新水一盞芝麻油點成花抄藥在上須匙匙去

水再用別水送下

治小兒泄瀉

用巴豆去壳研末爲膏貼在額門上燒線香一炷未盡即去巴豆

膏如神

治小兒吐不定

五倍子二箇一生一熟甘草一段用濕紙裹炮過同搗末每服米

泔水調下半錢立已

治吐逆黃丹四兩篩過用好米醋半升同藥入銚內煎令

却用炭火三秤就銚內煨透紅冷取研細為末用粟米飯丸如葶
豆大煎酢湯下七丸不覺只一服立効

回陽散 治吐瀉不止或取轉過多四肢發厥風不省人事服此四
肢漸暖神識便省

天南星為末每服三錢入京棗三枚同煎溫服未省再服
治小兒久瀉

用山藥炒為末不拘多少入粥內食之立止
治小兒水瀉

白礬 黃丹 各五錢 用葱白同搗爛塗臍上即止
燒金丸 專主吐瀉

用黃丹 朱砂 白礬 各等分

右藥研極細用小紅棗肉去皮核和如雞頭大每用一丸針挑
於燈上燒存性研末涼米泔水調服為省食前吐者無時外用葶
豆粉以雞清和作膏如吐塗兩足心如瀉塗額門上止則去之
又方治瀉瀉用四君子湯加藿香陳皮一劑而愈

痢疾

痢疾因受濕熱及食生冷停滯所致治先消導宿食分利濕熱然後上
之不可驟用補澁之劑

萬億丸 通治 治小兒下痢赤白腹痛立効
治小兒嘔吐紅痢

用田螺搗爛盒臍中効 一方加水片一分同螺搗爛敷臍內帛
縛定立止

治小兒痢疾

用雞子一箇冷水下釜煮一二沸取出去白用黃研碎以生姜汁半小鍾和勻與小兒服之不用茶神効

治小兒嘔吐痢

甜菜一箇取出子入蜜填滿紙包火煨熟吃立止治嘔口痢不受藥井不受飲食者用田螺數枚連壳搗爛加些射香在內調勻填滿筒內引火下降服藥再不吐矣飲食須慢慢少進之

治小兒痢疾

白蘿蔔汁蜜等分服三四匙即止

小兒水瀉痢疾

蜜三匙 枯礬末二錢 蘿蔔汁調服出微汗忌酸冷三五日

小兒瀉痢不肯服藥肉豆蔻為末二錢麩四兩水和作麵入葱鹽食如常與之

一 小兒体怠痢日久不愈用雞子一枚打破用黃蠟一塊如指大銚內溶以雞子拌炒熟空心食之

瘡疾

小兒瘡疾用芫花根為末每用一二分三歲兒用三分以雞子一箇去頂入末攪勻紙糊頂口外紙裹糖灰火煨熟嚼吃

治瘡疾仙方

五月五日午時用雄黑豆四十九箇先一日以水泡去皮研爛入人言末一錢同搗為丸如小兒實大雄黃一錢為衣陰于收貯臘發日早晨面東無根水下九粒熱酒熱物一時仍忌魚腥生冷之物三日黑豆圓者是雄的

秘方 治瘡疾

五月五日取桃仁百箇去皮尖研成膏不得犯生水候成膏入黃丹三錢丸如梧子大每服三丸發日面北溫酒下不飲酒并花水下忌鷄犬見

法治瘡疾冷病人開襟仰臥醫以左手執朱筆直書肚上曰

子璋觸髓血模糊手提擲還崔大夫復書一紙一焚之竈前一焚之天地下即愈

天靈散 秘方 治小兒諸瘡如神

天靈蓋年久白者燒存性為細末每服五厘黃酒調下立止

鬼哭丹 治諸瘡如神

人言一錢 雄黃一錢 菘豆粉一錢

右為末以端午日粽子搗為丸如菘豆大每服一丸或三丸臨發日面東冷水下忌熱物

傷食

附腹痛脹滿

小兒宿食不消者脾胃冷故也小兒乳哺飲食取冷過度冷氣積於脾胃脾胃則冷胃為水穀之海脾胃氣壅而消之胃氣和調則乳哺消化若傷於冷則宿食不消或作腹痛脹滿口中氣溫面色黃目無精彩或白睛多及多睡畏食或大便酸臭者當消積宜萬億丸主之消食散白木散皆可用之

萬億丸 方見通治 白木散 見吐瀉

消食散 主方 治小兒傷食腹痛

山查 去核 神曲 炒 砂仁 炒 麥芽 炒 白木 土香 炒

陳皮 青皮 去穢 甘草 炙

右劉生薑煎受寒作痛者加薑香吳茱萸有熱加黃芩

尋常此小飲食不必脉藥只用麥芽五錢炒入生姜三片煎湯飲之愈
香橘餅子 治小兒食積傷滯面黃肌瘦肚腹膨脹飲食少思心腹疼
痛時常嘔吐泄瀉肢體倦怠又治久瀉久痢脾虛脫肛不收冷熱不
調赤白膿血痢疾小腹痛或嘔口不食日夜無度裏急後重悉皆
治之及小兒疳積瀉痢服之速効常服養脾胃助胃消化飲食大有功
効

青皮去穢炒二兩 陳皮 二兩 三稜煨半兩 莪朮煨半兩 香附炒一兩

砂仁炒一兩 神曲炒二兩 麥芽炒二兩 山查去子一兩 厚朴姜炒一兩

八參 一兩 白木去油土炒一兩 白茯苓 二兩 廣木香 五錢 青木香 五錢

甘草 各一兩

右為細末煉蜜為丸如芡實大每服一粒米湯化下

中華餅 治小兒面黃肌瘦肚大青筋飲食少思泄瀉諸積

白茯苓去皮一兩 山藥 二兩 神曲炒一兩 麥芽炒一兩 白木炒一兩

薏苡仁炒二兩 蓮肉 一兩半 桔梗 五錢半 史君子炒二兩 扁豆 一兩半

芡實仁 一兩 三稜煨五錢 白芍 兩 山查 五錢 甘草 五錢

右為末白麵四兩入藥末一兩半白蜜一兩香油少許水和捍作

餅烙熟為焦餅食之最益小兒

治小兒肚大腹脹 江南做酒小麴一箇為末入雞子內鹽少許蒸熟

食之立消

治小兒肚腹脹大瘦弱 用莖薺食之立時打下虫即消

治小兒尿濁如米泔 江南做酒小麴炒為末每服一匕酒調服三

服愈

黃金棗 治小兒乳食傷脾胃面黃肌瘦肚大青筋腹脹或瀉或不思

飲食

人參 一兩

白朮 二兩共 粉草 炙一兩

右劉散用小紅棗五升入水同煮乾去渣食果逐

日吃七

感冒

咳救痰熱

人參敗毒散 治小兒感冒風寒瘟病時疫瘡疹頭疼體痛皮熱多睡
及治潮熱煩渴痰嗽喘熱驚風等症

羌活

獨活

柴胡

前胡

桔梗

枳壳

川芎

茯苓

人參

甘草

天麻

地骨皮

○驚風加全蝎去毒

姜蚕炒

白附子煨

防風 ○痰嗽喘加半夏五味子桑白皮○發汗加麻

黃荆芥

右劉作劉薄荷生姜煎服

參蘇飲 治小兒感冒風寒發熱頭痛痰涎咳嗽上壅喘促胸膈痞悶

紫蘇

陳皮

半夏

茯苓

前胡

枳壳

桔梗

乾薑

人參

甘草

右劉生姜二片水煎服

香葛散 治小兒傷寒夾食夾驚四時溫疫瘧疾

香附

紫蘇

陳皮

青皮去穢

葛根

甘草

右劉作劉生姜三片葱白一莖水煎熱服

治小兒咳嗽吐痰 用甜梨一箇入珊瑚一分紙包水濕火煨熟與服

或搗汁亦可

治小兒咳嗽痰喘 天南星大者炮令裂為末每服一錢生姜三片水

煎服空心日午臨卧各一服

治小兒咳嗽 用生姜四兩煎湯浴之
治咳嗽方

款冬花 三錢 石羔 三錢 甘草 三錢 硼砂 七厘
右為末吹入喉內用細茶漱下即好

一捻金 治小兒肺脹喘滿胸高氣急兩肋扇動陷下作坑兩鼻竅張
悶亂嗽渴聲啞不鳴痰涎潮塞 俗云 黑脾風諺云 龜胸症若不急治
死在朝夕

白丑 半生 黑丑 半生 川大黃 枳榔 各一兩 木香 三錢
輕粉 少許

右為細末每服二錢漿水調下無時蜜水調亦可 一方有人參
一兩去水香輕粉

小兒初生

嬰兒初生車籃襁褓各隨風俗大槩厥初下地之時勿待其出聲以帛
裹指展去舌上青泥惡血用手一遲啼聲一出即入腹中斯為患矣
如下地少頃不能出聲者急以溫水一盃許灌之即能啼也久不出
聲者以其臍帶倒捋元氣入腹仍以口頻頻進氣於兒口中則自能
啼也先洗後斷臍則不傷永生病臍帶留長一寸長則傷肌短則傷
臍將汁不盡則寒濕入腹仍作臍風衣勿新綿暖則生風其斂臍之
法寬急則中常於無風處解開看觀未愈燒絳帛灰敷之一月外臍
上有汁并腫者輕則當歸末同韶粉和傅灸絮熨之重則多敷壯初
斷臍了細畢用甘草一小寸煮汁一合許用帛蘸與兒吮約服一蜆
殼許得吐出去胸中惡物妙未則再與吮之半日內三五次服盡藥

汁一合得吐出惡水則兒補氣爽無病一合服盡不吐則胸中無惡物也當先以菜葉包明淨生硃於飯內蒸熟為度研極細末當以豆許蜜和令抹入口服之日一次三百止服多則傷也九冬夏浴兒久易傷寒熱癩病等症不浴亦不可但初浴時以猪胆汁一箇入湯溫浴之則不生瘡疥次用桃李梅根或枝各二兩許咬咀煎湯浴之則去不祥富室能以金一片虎頭骨一箇煎湯浴之則厭驚辟惡妙兒初落地浴罷臍帶一畢即看口中舌下并腮上兩頰但有白泡相連去處即使用指搗去惡汁無令嚥下為病則無重舌語病此其大畧耳

鬼紅丸 好辰砂去鉄渣為細末臘月八日取兔血調為丸如梧子大
新生小兒乳調末服每月一丸去胎毒痘疹
一小兒初生用青攪數箇燒水洗兒身上下後不出痘疹

治永不出痘方

用雞蛋七枚內取一枚開一孔去青黃淨裝入鮮明朱砂四錢九分其孔以紙糊用雞抱出雞雛將朱砂採日精月華各七日及收貯聽用再用起頭結絲瓜一箇候老成種乾燥燒灰存性為末每服朱砂五分絲瓜灰五分再研為蜜水調服服過三次永不出痘鄰家出痘就宜服之

治永不出痘方 王天中傳得異人方 治小兒不拘大小洗後永不出痘

真神仙秘法也

用苦練樹子十月收到正月初一日子時父母只令一人知將練子一升許鍋內水煮滾待溫將兒遍身上下洗淨妙不可言

初生雜病

治小兒生下遍體發黃狀如金色身上壯熱大小便不通乳食不進啼
叫不止此胎黃之候皆因母受熱而傳於胎也凡有此症乳母宜服
四物湯內用生地黃赤芍加天花粉

釀乳法 初生小兒胎中受熱生下面赤眼閉大小便不通不能吮乳
茵陳 甘草 澤瀉 倍 赤茯苓 生地黃 天花粉

右劉每服三錢水煎食後令乳母捏去宿乳却服此藥

治小兒初生大小便不通腹脹欲死者急令婦人以溫水漱口吸嘔兒
前後心并臍下手足共七處每一處凡三五次口吸嘔取紅赤為度
須臾自通不爾則無生意有此症遇此法可謂再生

小兒初生七日急患臍風撮口百無一活父母坐視其死良可憫哉
秘法極效世罕知之患此者齒齲之上有小泡子如粟米狀急以溫

水蘸青熟綿裹手指輕輕擦破即開口便安○又灸臍風以艾灸臍

下即活

治小兒臍風撮口方
用田螺搗爛入射香一分再搗塗臍上

治小兒撮口臍風
用完全葱二根搗汁用姜蚕二箇研末調塗其母乳頭上冷兒吮
之或用乳調灌之

初生小兒五七日有熱症只用益元散時時灌之

小兒臍風濕腫久不瘥 蜂房燒未付之

治小兒患風臍及臍瘡久不差用燒蝦蟇杵末付之日三四度差

治小兒臍風
鹽二兩豉二合爛搗捏作餅如錢大安新瓦上炙令熱以慰臍上

差亦用黃柏末付之

臍風論

夫小兒臍風因母好食辛酸厚味或七情偏勝起居不特故有胎毒胎毒所發多在二三日之間則有萌芽病生或打噎或呵欠或冷笑或惡母或皺眉或夜啼人多怠意不覺至五六日病深方請醫治其病已傳經絡萬無一愈予傳此方深知病原救治有理故此告聞諸君子生下孩兒於二三日之間時時省察若有前症即是臍風急看口中上脘有白點如粟米者用銀針挑破以雞糞糖塗之然後服藥十病十愈倘牙緊舌厚唇燥肚發青筋腹硬臍出則決不可治矣

解毒湯 如熱多用此二匙 鮮表二仙丹 一匙
黃連 黃芩 黃柏 枝子 各等分 為細末

鮮表二仙丹

如寒多用此二匙 解毒湯末一匙

蘇州薄荷 各等分 為細末 用燈心 淡豆豉 生姜 少許 蒸水為引

牛黃餅子

大黃 一錢 細末 朱砂 三分 水飛過 青蒙石 煨 各為末 同和以水為丸 如芡實大 以前蒸水磨化服之 百發百中

治小兒臍中出十不止并赤腫 白礬枯過為末付之

治小兒龜胸 緣肺熱脹滿攻胸膈所生 又緣乳母食麵熱物五辛 轉更胸起高也

灸兩乳前各一寸半 上兩行三骨罅間六處 各三壯 春夏從下灸 生秋多從上灸 下若不依此法灸之 十無一愈

百合丹 治龜胸

...

川大黃

天門冬

杏仁

去皮尖
另研

桑白皮

蜜炒

百合

甜葶力

炒下

石膏

木通

各等分

右為末

煉蜜為丸

如菘豆

大臨卧熱湯下

治龜背

兒生下客風入脊

遂於骨髓

即成龜背

或坐太早

亦致偻

昔高如龜多成痼疾

龜尿點骨節即平

取龜尿

法用青蓮葉

置龜于上

用鏡照之

其

尿自出

治龜背

松花

枳壳

防風

川獨活

麻黃

大黃

前胡

桂心

少許

為末米飲調服

小兒語遲

人參

石菖蒲

麥門冬

去心

遠志

去心

川芎

當歸

乳香

朱砂

各五錢

右為末煉蜜為丸如黍米大每三四十九食遠米飲下

夜啼

小兒夜啼狀若鬼祟

蟬退七箇下半截為末初生抄下字薄荷湯入酒少許調下或者

不信將上半截為末依前湯調下復啼如初古人立法莫知其妙

治小兒腹痛夜啼

用牛黃如豆大乳汁化服又臍下書日字瘥又方牽牛細末封

臍上愈

花火膏 治夜啼

燈花三顆以乳汁調抹兒口或抹乳上令兒吮之或用燈花三四

顆研碎。燈心湯調塗乳上。令兒吮乳。燕下。

一方 大黑棗三枚去核各入黃連二分用線扎緊入罐中水鐘半煎
一小杯徐徐喂之。

安神散 治小兒驚啼作心經有熱有虛治。

人參

黃連 姜汁炒 各一錢半 甘草 五分

右剉一劑竹葉二十箇生姜一片水煎服。

一方 治驚啼用亂髮燒灰酒調服

一小兒夜啼用筆寫在小兒臍上子 酉申午

一小兒夜啼用糞杓水洗淨莫令人知覆在本兒床下。

口舌

治小兒鵝口不能食乳用地雞搗水塗瘡即愈即廢虫也

小兒口瘡黃連末每服一字蜜水調下。

小兒口舌生瘡乃心脾受熱口瘡赤心藏熱口瘡白脾藏冷口瘡黃脾

臟熱

吳茱萸末醋調付脚心移夜即已藥性雖熱能引熱下行其功至

小兒舌上生瘡吮乳不得。

白凡和鷄子清置醋中塗兒足底一七即已。

治小兒重舌木舌乃舌下生小舌也凡針重舌以針直刺不可橫挑恐傷舌絡則言語不清

用三稜針舌下紫脉刺之即已。○又宜竹瀝調蒲黃末付之。○又

宜胆礬研細敷之。

治小兒絆舌用布針數下以糖雞糞一搽即已。

治絆舌不乳啼哭用布針蘸桐油燒紅針下頰挨骨邊一針即已

治重舌喉閉

白礬朴硝為末，搽入口中，即愈。

牙病

甘露飲子 治牙疳去血，口臭，齒齲腫痛腐爛。

枇杷葉

石斛

黃芩

枳殼

天門冬

麥門冬

生苧

熟苧

茵陳

甘草

右剉水煎服，牙根腐爛用後。

擦牙散 治走馬牙疳，牙根腐爛。

白梅煨碗，蓋存性，枯礬各一錢，人中白，取童尿，桶中白垢，瓦焙干，五錢，為細末，先另用韭菜根老茶濃煎，用鷄翎蘸洗，刷去腐爛惡肉，洗見鮮血，以前藥付之，日三次，爛至喉中者，用小竹筒吹入，雖通口牙齒落，口唇穿破者，敷藥皆自愈，但山根發紅點者，難治，忌油。

臍鷄魚發氣熱物

土蟾散

治症同前，蚶皮即蝦蟆不鳴不跳者，是庸黃泥裹，火煨焦，二錢。

半黃連二錢半，青黛一錢，射香少許。

右為細末，先用甘草湯洗，令血出，却用藥濕，則乾，搽乾，則香油調。

抹之。

治走馬牙疳，一時腐爛，即死，用婦人溺桶中白垢，火煨，一錢許，入銅綠。

三分射香一分半，敷之，立効。

治小兒走馬牙疳。

白礬 枯

黃丹 飛

京棗 連核燒

為末付之。

又方用白礬置一倍子內，煨過為末付之。

立効散 治走馬牙疳。

青代

黃栢

枯礬

五倍子 各一錢

右為細末用米泔水攪口內貼藥

喉痺

喉痺會厭兩傍腫者為雙乳蛾易治。一傍腫者為單乳蛾難治。治乳蛾
差小者為喉痺熱結於咽喉且麻且痺腫透於外名纏風喉痺暴發
暴死者名走馬喉風

避危湯 治喉閉腫痛危急之甚

桔梗 二錢 山豆根 一錢 牛蒡子 一錢 荆芥穗 一錢 玄參 八分

升麻 三分 防風 八分 生甘草 一錢 竹葉 五箇 ○水煎服外

用硼砂一錢化燕下降痰消腫

治喉痺乳蛾氣絕者即時返活

單乳蛾用巴豆一箇去壳打碎入綿壘壳內塞鼻在左塞左在右

寒石若雙乳蛾用二粒塞兩鼻

治小兒耳後月蝕瘡

燒蚯蚓糞合猪脂付之○小兒患清耳出膿水成瘡以蚯蚓糞末

吹耳中

一小兒自脫胎時兩目赤腫或作痒或生翳此稟賦之肝火也用丸味

苦薈丸六味地黄丸二藥而愈

治小兒末周歲患赤眼

用黃連為細末以茶調塗手心足心即愈如腫痛難開加姜黃皂

角朴確為末同敷太陽穴手心足心加葱搗爛敷之尤妙

按毒膏 治月內嬰兒患眼腫痛

熟地黄一兩以新汲水浸透搗爛貼兩脚心布裹住上効

治頭瘡胎毒等瘡

五倍子

白芷各一兩

花椒

黃丹各五錢

枯白礬一錢

右為末瘡濕乾搽瘡乾香油調搽

治小兒疝氣小腹痛引腰脊牽曲身不能直可京師授

青皮

陳皮

三稜

莪朮炮

木香

檳榔

川練肉

芫花醋炒各五錢

辣桂

牽牛生取末各三錢

巴豆肉不去油一錢

右為細末麵糊為丸麻子大每三九空心下服午前一服姜湯下

一小兒脫肛不收浮萍草為末搽患處

小兒自汗不止

益元散加舊蒲扇燒灰陳麥芽湯調服

治小兒吐蛇虫用苦練根剉佐二陳湯煎服

治小兒蛔虫食虫宜春月初服之即出

川練子

使君子

木鱉子

桑白皮

木通

黃柏

青皮

枳壳

沒藥各等分水一盞煎

至七分空心溫服

治小兒虫積腹痛用巴豆丁枚去壳搗去油以朱砂一粒同研勻用

雞子一箇開頂微去白入藥在內攪勻仍將紙糊口用草圈壘在

鍋內水煮熟令兒食之或以茶清送下即打下所積虫而愈

痘瘡

瘡疹證候面色燥臉唇赤眼睛黃目胞赤四肢赤赤手足冷耳尖冷
以鼻冷身熱或乍涼乍熱頭痛腰脊痛咳嗽噴嚏呵欠煩悶搐跳驚
悸昏昏多睡小便赤少大便不通不惡寒惟惡熱方其身熱未即發
瘡迨其身涼然後發出○三部脈洪數往來大小不應指而疾

三日發熱

三日出痘

三日起脹

三日貫膿

三日收靨

大凡七日以前為裏實不可投溫燥之劑能功毒也。八日以後為裏虛不可投寒涼之藥能伐生氣也。

痘不治法

初出勇壯者不治

出如蚕種者不治

隨出隨沒者不治

如蚊虫咬者不治

氣血相失者不治

倒出者不治

飲水如從鼻者不治與肺氣不能疏理也

氣尊血分者生

毒參陽位者死

經驗死症日數不治症

初出頂陷連內紅

過至九日一場空

又如血點帶紅紫

斑症死在六日中

發斑黑者在朝夕

斑青項刻去匆匆

無膿痒塌期二日

不治腰疼及挺胸

報痕似沸如雞果

舌捲囊縮命不留

紫泡刺出黑血者

飲食喉候症俱凶

難療面腫痘不腫

青色黑陷及無膿

二便流利下腸垢

更有吐瀉出蛇虫

頭溫足冷好飲水

痘先驚後藥難攻

氣促泄瀉渴不止

目無魂者命不供

聲啞失音呼與哭

痘色縱好也難終

有種氣急亦難治

如灌膿好是傷風

見此宜服參蘇飲

餘症參詳須用功

痘瘡治法

未痘初出大抵熱者多寒者少用藥之法未日以前不宜溫補亦不宜過用寒涼故師云鮮毒之內畧加溫補溫補之中畧加解毒此一傳不刊之秘訣也若六日以後毒已盡出於表當溫補而不溫補者膿不得壯而瘡場寒戰之病所不能免矣或曰如是之論必以藥石而

後喜然而世之勿藥有喜者及其藥石不能治者何也痘有順逆險也順者不必治逆者不能治險者不治多不能保其生矣

發熱三日決生死例

發熱時用紅紙條蘸麻油點照心頭皮肉裏若有一塊紅者或通身有成塊紅者八九日決死

發熱時身無大熱腰痛腹不痛過三日後統生紅點堅硬碍手者必發熱時渾身溫暖不時發驚者痘在心而出也吉

發熱時一日遍身即生紅點稠密如蚕種樣摸過不碍手者決死

發熱時腹中太痛腰如披杖及至出痘乾燥而前痛猶不止者決死

發熱之時頭面上有一片紅色如胭脂者八九日後死

出痘三日決生死例

出痘之時頭面稀少胸前背上皆無根窠紅潤頂突碍手者如水珠

光澤者吉不須服藥

一 出痘之時腰腹疼痛不止口氣大臭其自出紫黑色點者決死

一 出痘之時白色皮薄而光根全無紅色或根帶一點紅三五日如菘

豆樣此痘決不能貫膿又後成一胞清水擦破即死不可因其好者而妄與下藥

一 出痘之時全不起頂如湯泡及燈心火燒者十日後決生瘰癧而死

一 出痘之時口鼻及耳畔紅血不止者決死

一 出痘之時起紅斑而紋者六日後決死

一 出痘之時起黑斑如痣狀肌肉有成塊黑者即時死

起脹三日決生死例

一 痘三日之後痘當逐漸起脹若紅綻頂肥滿光澤者不必用藥此乃

吉症也

一痘當起脹之時根窠全然不起頭面皮肉紅腫如瓠瓜之狀者死
一痘當起脹之時遍身痘頂皆黑其中有眼如針孔紫黑者死
一痘當起脹之時遍身痘陷伏不起者腹中膨脹不能飲食氣促神昏者死如六日內痘尚紅紫滿頂者即死
一痘當起脹之時腰腹或痛遍身尚是紫點如蚊咬全不起脹者死

一痘當起脹之時黑陷悶亂神氣昏暗者死

灌膿三日決生死例

一痘當起脹三日之後根窠紅潤灌膿充滿如黃蠟色二便如常飲食不減吉候也不必下藥如紅紫黑色外剥聲啞者死

一痘當灌膿之時純是清水皮白而薄與水泡相似三四日遍身抓破而死

一痘當灌膿之時痘中乾枯全無血水此名空痘決死

一痘當灌膿之時吐利不止或二便下血乳食不化痘爛無膿者死

一痘當灌膿之時二便不通目閉聲啞腹中脹滿肌肉黑者即死

結醫三日決生死例

一痘當結醫之時色轉蒼蠟成紫葡萄色者一二日決從口唇四邊醫由腹中收至兩腿然額上和脚一齊結醫落皮而愈

一痘當醫之時遍身臭爛如餅不可近者死

預防治法

凡值天時不正鄉隣痘瘡正發宜預服此能活血解毒則不染

三豆湯

赤小豆 黑豆

菽豆各一

甘草節 五錢 水煮熟 任食

吃豆飲汁七日自不發

油飲子 用真香油一斤逐日飲盡永不出

擦法 用麻油每夜臨卧時以手中三指蘸油擦兒頭額項背腰兩手腕兩足腕然後睡可使輕此亦暢達流通升脫疑滯之義也

惡實膏 用惡實子一名鼠粘子為末蜜調貼額門上免有患眼之疾發熱時即用

痘瘡初出或未出以絲瓜近蒂者三寸連皮燒存性為末砂糖調服或以真朱砂研水飛量見木小或五分或一錢蜜水調服或以絲瓜末朱砂合而服之多者可少少者可無

三日發熱治法

升麻葛根湯 治時行瘟疫頭腫痛發熱肢體煩燥瘡疹未發疑以之間宜服 見苗不可服慎之

升麻

白芍

甘草各一

錢葛根

一錢半

右判一劑生薑二片水煎熱服加山查大力子尤可

冬月加蘇葉八分○四肢厥冷加桂枝一錢半○腰痛當知是痘加桂枝一錢半○時氣酷烈發熱太甚乃是毒氣盛加牛旁子一錢半

一痘隨出隨沒者此毒氣太盛不治之症急用麻黃五錢酒煎頓服或可救十中之二三也

胡荽酒

胡荽一束銅錢大細切用好酒熱和與服須臾即渾身通暢過一二時以昏擦點照於無痘處又出珍珠光亮好痘數顆矣如無胡荽即用胡荽子初出時宜以胡荽酒遍噴床壁及與患者服後人皆飲能辟穢惡又以胭脂點眼角防痘入眼

一痘始發時先用鮮荳荑在於房中慢火上燒令微烟燻辟穢氣日逐燒之一月方止

一發熱痘未出。肚痛不可忍。而無休息者。白芍 蠟退 各一錢半
右為細末。沸湯調服。服後痛止。痘出。庶幾可治。痛若不止。必出斑
瘡。不可療也。

三日出痘治法

九味神功散 治痘出毒氣太盛。血紅一片不分地界。如蚊蚤種。或諸
失血。或吐瀉。七日以前。諸症可服。

嫩黃芪 人參 白芍 紫草 紅花

生地黃 牛旁子 前胡 甘草

右剉水煎。溫服。○熱甚。加黃芩黃連。各一錢。朱退加大黃。○有驚
加蟬退。去翅足。一箇。

痘出三日内。頂陷者。非虛也。用神功散。活血退火。
若四日以前。有庚症。其色黑慘。保赤湯加桂。

如色白。光者。寒乘之神功散。加桂。

腹痛者。毒盛也。神功散主之。

面紅不退。地界不分者。神功散加前胡。

吐者。母盛乘。火炎而宣也。神功散主之。

泄瀉者。火盛而奔越也。神功散加升麻。以提之。

有疾者。用白附子。磨服。切不可用二陳湯。便燥。陽明經。便孤陽。無陰。

不能施化也。

嗽宜杏仁煎湯。磨白附子服。

遍身疼痛。以木香一味磨服。即止。

一痘發渴。服神功散。當不渴。或猶渴者。用紅花子一味煎湯。飲無字。即

用紅花亦可。加牛旁子尤妙。蓋能散胃口之瘀血。故也。切不可用荔枝

枝。能助湯經之火。大發渴者。

一汗出不止者而身已涼乃血隨氣溢也

用當歸 五錢 黃芪 三錢

酸棗仁 炒一錢 共作一服水煎溫服立

一或

或有失治不知解毒五六日間以燈照之生氣未成其毒太盛作熱地界紅燥宜神功散治之隨觀其變而施治猶或可救一二過此則不能施其神功矣

一痘色白屬氣虛補氣為主初出色白者太虛宜大補氣血人參白朮

黃芪當歸川芎升麻葛根木香甘草之類大便滑泄加柯子肉豆蔻

一痘色黑屬血熱涼血為主初出色黑者大熱便宜解毒黃芩黃連黃

栢俱酒炒牛蒡子紫草升麻乾葛防風荆芥甘草節參芪之類黑為

北方之色屬水熱甚反兼水化制之故色黑

一痘瘡甚黑乾枯變黑歸腎身如火灸之熱

用犀角羚羊角二味磨涼水服之有回生之妙

一小兒痘瘡初出光壯忽然黑陷心煩燥急氣喘妄語如見鬼神

人牙齒燒存性為末每箇作一服酒調下

初出多生驚搐急將導赤散通木通甘草與防風生地黃連同用再如

辰砂調服須更救活破瘡此方端的有神功果然百發百中

三日起脹治法

保元湯

人參 二錢 嫩黃芪 一錢 甘草 一錢 剉作一劑生薑一片水煎服

若額不起脹加川芎 六分 為引 魚腦加升麻 四分 為引 狗腦加

桔梗 四分 為引 腰膝加牛膝 四分 為引 兩手加桂枝 二分 為

引

二日痘乾紅少潤保元湯加桂枝活血加當歸白芍若毒加玄參牛

旁子勻氣加陳皮

二三日根窠雖圓而頂陷者保元湯加川芎官桂

四五日根窠雖起色不光澤為氣虛血盛保元湯加芍藥糯米官桂

五六日氣盈血弱色昏紅紫保元湯加木香當歸川芎

五六七日氣交不旺血雖歸附不能成聚急投保元湯加官桂糯米助其成聚

七八日毒雖化漿而不滿為氣血有疑不能大振加桂糯米

八九日漿不冲滿血附線紅氣弱而險加糯米以助氣而駕其血

十一二日白氣血冲滿盡燥濕潤不飲內虛也加白木茯苓

十三四日毒雖盡解漿老結痂之際或有雜症保元湯隨症加減勿用涼熱峻利

十四五六日痂落潮熱唇紅口渴不食四君子湯加陳皮山查黃連

如渴甚加參苓白朮散如熱不解以大連喬飲去黃芩主之

凡瘡發渴者為氣弱而津液枯竭保元湯加麥門五味即止如不

正參苓白朮散一二劑即止

一治小兒痘六七日陷而不發黑紫色氣欲絕及不貫膿者有瀉不宜服

穿山甲湯洗淨炒為末每服五分或七分木香湯或紫草湯下入酒更妙糯米清湯亦可

三日貫膿治法

丙托散 治氣血虛損或風邪穢毒冲傷使瘡毒內陷伏而不出或出而不為快用此活血勻氣調胃補虛內托瘡毒使之盡出易收易愈

嫩黃芪 人參 當歸身各二錢 川芎 防風主毒戶

桔梗去芦 川厚朴去皮 白芷 甘草生各一錢 木香

肉桂各三分

右方於紅紫黑陷屬熱毒者去桂加紫草紅花黃芩

若淡白灰黑陷伏屬虛者加丁香救裏官桂攻表

當貫膿而不貫膿者倍參芪歸煎熟入人乳好酒溫服此貫膿巧法

也

凡貫膿肥滿庶易結腐若巨雖脹滿光澤可觀然摸過軟而皮皺者

中雖有膿不甚滿足後必不能收靨或巨皆貫膿中間幾顆不貫

者終變虛寒痺塌之症宜內托散倍加補氣血排膿之藥

凡痘陷無膿雖因服內托藥而暫起不久又陷者貫膿不滿故也宜

內托散倍參芪歸人乳好酒之類蓋貫膿既滿必無再陷之患矣

凡因屋發痒遍身抓破膿血淋漓不能坐卧者宜內托散去桂倍加

白芷 止痒當歸 和血 木香 調氣 氣行血運其痒自止外用救草散

付之免至感風變症以致上痰咳嗽聲啞若遍身抓破並無膿血

清水皮白乾如豆壳者死

復生散 衛知州 治痘黑陷不起發

珍珠 琥珀 雄黃 朱砂 穿山甲

兩頭尖 香附子 各一錢 蟾酥 五分

右先將蟾酥切片以乳汁浸少時入衆藥搗勻一歲兒服入厘三

二歲服一分二厘用熟蜜水調下

治痘疹抓破稀爛用蠶孔內入土蜜新瓦上焙乾燒灰存性為末如濕

乾慘如乾香油調搽甚效

三日收靨治法

木香散 灰陷黑陷嘔吐白陷為表虛 嘔甚加白豆蔻

嫩黃芪 一錢 人參 五分 白朮 去屑 一錢 白茯苓 去皮 陳皮 八分

半夏 湯泡姜 川厚朴 去皮姜炒 一錢 木香 一錢 丁香 五粒

柯子煨取肉 前胡一錢

右劉一劑 生薑二片 水煎溫服

若腹脹渴者或瀉渴者或足指冷渴者或驚悸渴者或身溫渴者或身熱面皸白色渴者或寒戰渴不止者或氣急咬牙渴者或飲水轉渴不止者已上九症即非熱也乃脾胃肌肉虛津液衰少故也木香散主之如不愈更加丁香官桂多煎服丁香攻裏官桂發表其表裏俱實而瘡不致於瘳塌喘渴死矣

回陽酒 治瘳屬虛寒八九日色光白如水泡頂陷根白瘳塌咬牙寒戰之症

鹿茸酥炙倍 大附子龜畏煨 嫩黃芪炒 當歸酒洗

右劉一劑 酒煎服兼有痰嗽加牛胆南星

異功散 寒戰咬牙瘳塌泄瀉為裏虛瀉甚加肉豆蔻

大附子炮去皮 人參五分 白朮去芦 白茯苓去皮 陳皮

半夏姜製 官桂 厚朴姜炒 當歸 木香一錢

丁香五粒 肉豆蔻麵裹煨

右劉一劑 生薑二片 棗二枚 水煎溫服

一痘瘡欲醫未醫之際頭溫足指冷或腹脹泄瀉口渴氣促或身不熱寒戰悶亂不寧則則嘔氣煩渴咬牙瘳塌急服異功散切不可與寒水紅柿西瓜梨果柱冷食之

一藥行而作痒此內熱而外為風寒所束用荆芥穗紙裹緊搗糊粘紙頭全不散燈上燒了却于桌子上春去灰快放手指定痒痘頭用荆芥穗火點痒處一下即放退每痒痘悉點之即止

一行藥將足而發疔認定黑疔痘或黑而硬或有紅絲或為大紫泡未曾解毒者仍以神功散加雄黃黃連黃芩大黃煎服却用點法雄黃

一錢研胭脂重浸水令濃調雄黃末點疔痘頭上立時即紅活亦神法也蓋雄黃能拔毒胭脂能活血也

一九日十日回水之時元氣重蒸真陽運化其水自然消鑠此循環之妙理也其有未曾解毒至此時水不能化及歸于胃與所伏之毒相遇泛溢腸胃中胃氣既虛水大則土崩故此泄瀉人多以其功散加豆蔻治之愈服愈瀉不知火動于心胞則小腸從令毒伏于陽明則脾胃受戕宜以定中湯治之立止

定中湯

真黃土能鎮安胃氣收斂中黃取真土黃色不雜者用一大塊在碗內百沸湯泡即以碗蓋少頃出用如冷與于壺內好以

熱水盪之用酒兩盞和藥

朱砂細研五分能鎮心包雄黃研細丁錢能解

絡使小腸不奔奔右二味和勻以黃土湯少加沙糖溫服二服立止

一煩燥悶亂發渴定中湯加片腦半分牛麥子湯和服
一有寒戰咬牙等症宜附子理中湯

附子理中湯

大附子炮去皮臍三錢 人參二錢 白朮去芦炒乾姜二錢 炒黑也

一十一二日血盡毒解氣調聚足此生生自然之理也若濕潤不斂者內虛也異功散加了香但當收斂結痂而已

一若鮮毒不盡或未解解毒到當醫發熱蒸蒸者宜用

回天甘露飲

沙糖半酒盞百沸湯調一大碗溫服立時熱退痘醫萬發藥中宜有回天之力也

一臨回水時慎服生血藥過多或因渴過飲水漿以致不醫看其身無熱覺諸痘潤澤者宜以附子理中湯服此燥之令水盡也

一當醫時生氣痘未黃須紫潤即真醫矣宜定中湯預防內也當醫時腹痛不醫其痛着在中腕乃熱毒凝滯瘀血作痛也當用

手拍散

牛旁子二錢 白芍一錢 紅花八分 桂五分 山梔仁一錢

大黃一錢 水煎服

一將醫時其痘一時盡黑非醫也乃火極攻裏即凶矣

治痘餘症

一小兒欲出痘作腰疼

柴胡一錢半 乾葛一錢 川芎 麻黃去節 升麻

白茯苓 防風各八分 甘草五分

右剉一劑水一鍾半先將麻黃滾去白沫後煎至八分熱服覆被出汗腰疼止為度不止再進一服免出腎經之痘甚奇

一出痘之時口渴謔語精神狂亂煩燥者此由心火燥下內以致神不守舍狂惑謔語如見鬼狀外症必紅紫焦燥壯實不能所謂純陽無陰之症候急服退火回生丹

滑石一錢 朱砂一錢 水片三厘 為末冷水調服睡少時神安

痘轉紅活

一痘瘡貴膿三日之內身冷豆灰白急或不進飲食寒氣逆上或嘔吐或腹痛或流清水手足厥冷者所謂純陰無陽之症急服回生起死丹

丁香九粒 乾姜一錢 剉水煎服絮被蓋片時令脾胃溫暖陰

退陽回則痘變紅活也

一痘瘡當不醫發熱謔語目閉大喘手足大亂小便不利者此熱乘于肺金無陰氣以之然也急服清金導赤散

人參

白茯苓

當歸

白芍

麥門

木通

滑石

車前子

玄參

貝母

陳皮

枳壳

黃芩 酒炒

黃連 酒炒

石羔

杏仁 去皮

桑白皮

甘草 剉刺水煎服

一痘瘡自出痘至貫膿收靨之時倒塌伏臥心驚悶亂死在須臾

人參一兩水煎濃汁灌下立省

痘後餘毒

治痘後不問蘊毒發於何經初起紅腫

用黑豆菟豆赤豆二豆以酸醋浸研漿時時以鵝翎刷之隨手退

去

痘後發難者痘瘡之毒藏留經絡壅於支節之間而發者也亦有既平之後失於解利而生者惟小柴胡湯加生地黄最妙或大連翹飲消

毒飲五福化毒丹皆可用也

大連翹飲

五福化毒丹

消毒飲

治內蘊邪熱咽膈不利痰嗽壅喘眼赤腮腫頸項結核癰毒

通身風疹丹毒赤痛及痘瘡已出未出不能快透痘疹後餘毒者症

牛旁子 微炒 四錢 荆芥

甘草 各一錢 防風 去芦半

一方加黃芩二錢

犀角 錢五分

右對水煎服

治痘後作喘

珍珠 煨 血竭

雄黃 各等分 為末每服一字酒下

治左後咳嗽不拘遠近

白砒 雄黃

枯礬

鵝管石

石黃

寒水石 火煨各一錢

右研細末用菟豆粉打糊丸菟豆大每服三九臨睡井水送下忌

熱物一夜神効

治痘後餘毒發於四肢腫痛

芙蓉葉一兩 白芨三錢

為細末加蜜一匙水調如稠糊厚敷腫

處一日一換輕則即消

吹雲散

治痘後餘毒入眼生翳或紅或白腫痛

黃丹一錢

輕粉三分

片腦一厘

為末鴉管吹耳內如左眼

患吹入右耳右眼患吹入左耳一日三次兼服後藥須得早治

遲必難為矣

一方用黃丹輕粉各一錢為末吹照前法効○一方加雄黃射香

少許尤妙

化毒散 治痘後餘毒生翳

當歸

川芎

赤芍

生地黄

防風

乾葛

菊花

天花粉

蟬退

等分

谷精草

焙用

右剉劑水煎服赤腫痛加黃連枝子翳後加水賊

治痘後翳眼 用兔糞收來四五丸水煎服

治痘傷眼白翳 用青菓核磨水點之

治痘後眼生翳障 用綿胭脂以口嚼取水入蒸過熟蜜和勻燈心蘸

點翳上効

一用石燕子一對換榔一對二味磨水常服亦効

治痘後失音

天花粉

桔梗

白朮

柯子肉

石菖蒲

甘草

右為末水調半匙在碗內外以小竹七莖黃荆七條縛作一束點

及在碗內煎臨卧時服

石菖蒲

痘瘡已靨未愈之間五臟未實肌肉尚孱血氣未平復忽被風寒外邪搏於膚腠之間則津液凝滯故成疔蝕瘡宜用雄黃散綿繭散治之如不愈者潰骨傷筋以傷入也

雄黃散 治小兒牙齦生疔蝕瘡

雄黃 一錢 銅錄 二錢 為末以少許貼患處

綿繭散 治小兒遍身上下等處疔蝕瘡膿水不絕

空蚕繭 須是出蚕繭者一味不拘多少入白礬末全篇炭火上燒令白凡汁盡取出研細每用乾貼瘡上

女人出痘

一女人出痘其輕重固已一槩而論然十四歲之後天癸通者則又不同蓋天癸既至陰常不足痘瘡以氣為主血為附氣以充之血以濡之一有不足則變惡易生此又不可不審察之也且如發熱之初正

遇經水如期而來此熱隨血解瘡自發出不必施治若遇四日而不正者則熱入血室血必妄行為內動中虛之症矣宜

涼血地黃湯

當歸 川芎 白芍 懷生地 白朮

升麻 黃連 人參 枝子 玄參

甘草

右剉剉水煎服

一非經行之時於發熱而經忽至此毒入內熾通血妄行之故瘡必多毒必盛急用

涼血解毒湯

當歸 白芷 升麻 紫草

桔梗 連翹 燈草

右劉作劑水煎服

一正當起發貫漿之時適遇經行三日不止者瘡必應起發而不起發應貫漿而不貫漿頂平形塌或灰白色或黑陷此為經血過多陰氣虧耗為陷伏壞症宜入物湯去地黃加黃芪木香熟附子以調元氣或胡荽酒噴之或出增疔者為吉寒戰咬牙喘急腫滿手足厥冷為內脫不治之症矣

一起發貫漿經水適來忽口瘡而不瘡者乃血入少陰不能上榮於口也宜以

當歸養心湯

- 人參
- 當歸
- 生地黃
- 麥門冬
- 升麻

甘草

右劉劑心水煎服

一經水不斷之時適逢出痘身發壯熱神思昏沉言語狂妄如見鬼神尋衣撮空此行經之後血室空虛天行邪熱乘虛而入犯於衝脈蓋肝藏血衝為血海肝藏魄竅於目神思昏者魂亂也目妄見者視亂也妄言者肝移熱於心也宜

瀉肝散

- 羌活
- 當歸
- 山梔
- 龍胆草
- 川芎

防風

右劉劑水煎服

一正值崩漏不止氣俱虛之候適逢出痘此必能勝任宜大補其氣血以

十全大補湯或八物湯加木香黃芪官桂主之如倒巔則不可治矣一向來經閉不通血海乾涸適逢出痘毒氣拂鬱於衝任之間二陽之

症并發其熱心甚若攻擊之則血妄行不止毒亦不出為喘急為脹
滿為陷伏矣須調其心脾使毒發洩庶可以保以
歸脾湯 或逍遙散主之

一痘瘡起發至泡漿數日最宜表裏無病飲食如常若當此時忽然行
經者人但知厭穢以觸正痘殊不知此乃已之血安得為腐但恐血
出裏虛而生陷伏之變急宜救裏解毒十全大補湯主之

孕婦出痘

一妊娠最忌出痘蓋熱能動胎胎落則血氣衰敗必痘不能起發灌漿
而命則危矣故孕婦出痘深為可慮蓋痘之用藥多主溫補如半夏
肉桂之類皆妊娠所忌而黃芩烏附又非痘家所宜故遇此症者不
問輕重悉以清熱安胎為主不可觸動其胎宜安胎散加黃芩芍藥

主之血動者四物湯加木連及
單胎散

- | | | | | |
|----|----|----|----|-----------------------|
| 當歸 | 川芎 | 白芍 | 人參 | 白朮 |
| 茯苓 | 柴胡 | 條芩 | 荆芥 | 防風 |
| 白芷 | 粉葛 | 砂仁 | 紫草 | 阿膠 <small>蛤粉炒</small> |
| 桔梗 | 甘草 | | | |
- 一方有陳皮枳殼火熱加鬱金糯米水煎服
一身熱之冷者腹脹入物湯加水香脾氣虛不進飲食毒發不出四君
子湯加水香糯米紫草胎動不安者安胎散加砂仁痘出稠密參芪
內托散加紫草芍藥當歸單身熱有外邪無內症者參蘇飲加水香
以

如聖散

齊世公書

卷之六

痘症

當歸 白朮 黃芩 枳壳 黑豆
大伏皮 砂仁 甘草

右各等分。水煎服。
如初發熱。加升麻葛根連翹。○痘出太盛。加酒炒黃連。大力子連翹。
山查不起發。加大力子白芍。○口乾加麥門冬。知母天花粉。○痰
多加半夏。所謂可擾而擾。似乎無擾。故須有胎。不忌半夏也。惟在
用之者。審之耳。如胎五月。則半夏桂心之屬。俱不必禁也。
一痘瘡正在起發。貫漿之時。勿遇坐草分娩之期。此氣血俱虛之候。宜
太補。加熟附子。主之以補氣血。固表裏。若產後小腹急痛。此血未盡
也。

黑神散

當歸 川芎 熟地黃 藳麥 炒 桂心

蒲黃 炒 香附 童便 炒 木香 青皮 去穢 黑豆
右剉劑。酒水各半煎服。
若腹脹咬牙。寒戰作渴。足冷身熱者。此脾胃兩虛外。作假熱。太補湯
加熟附子一二劑。更用四君子湯。加黃芪當歸。陳皮木香。多服止
者。吉。不止者凶。

○一方產之後。或半月十日之間。適逢出痘。此無胎孕。較繁。止以大補
氣血為主。以前天芩湯或八物湯。去芍藥與服之。痘出多者。加連
翹大力子。太便自利者。加肉豆蔻。只照常一體用藥。不必妄為。
一痘疹要訣曰。妊娠出痘。收靨之時。胎落者多。無事。發熱初出之時。胎
落者。猶或可救。一二若時當起脹。貫膿而有犯者。多難救矣。蓋血氣
衰敗。不逐毒然也。
一胎動不安。宜獨聖散。用連壳宿砂。慢火炒去壳。每服半匙。熱酒調下。

胎動立止。

一妊娠傷寒護胎法

用井底泥青黛伏龍肝各為末調勻塗於孕婦臍中二寸許如乾再塗正以保胎孕也。

麻疹

疹發熱之初多似傷寒惟疹子則嗽咳噴嚏鼻流清涕眼胞腫其淚汪汪面浮腫雙腮赤惡心乾嘔為異耳但見此候即是疹子便宜謹避風寒或暈腥厚味用藥以表散也使皮膚通暢腠理開豁而疹毒易出也証候未明是否便服蘇葛湯去砂仁陳皮腹痛亦用厚薑表之得汗自頭至足方散漸減衣被則皮膚通暢腠理開豁而疹易出矣縱不出亦不可再汗恐致亡陽之變只宜常與葱白湯飲之其麻

自出矣服此自無發搐之症

一麻疹既出見一日而又沒者乃為風寒所抑麻毒內攻若不治胃爛而死可服消毒飲一劑熱退遂安如麻見三日退後若有被風寒之症亦宜消毒飲神妙方見餘毒

予經驗一方 治出麻疹已出而復沒或出不盡心慌啼哭不止十分危急死在須臾或下利腹痛用黃芩白芍等分水煎服之立效如神一麻疹既出已過三日不能沒者乃內有實熱宜四物湯進之如失血之証加犀角汁解之

一麻疹前後有潮熱不退飲食不進等症並屬血虛血熱只宜四物湯按症照常法加減○渴加麥門冬犀角汁○嗽加瓜蒌霜○有痰加貝母去白陳皮切忌入參白朮半夏之類如倘誤用為害不小戒之戒之蓋麻疹屬陽血多虛耗今滋補陰血其熱自除所謂養陰退陽

之義

一發熱之時既表之後切戒風寒冷水瓜桃生果之類如一犯之則皮毛閉塞毒氣難泄遂變紫黑而死矣如極渴飲水只宜少與葱白湯以滋其渴耳必須使手竅中常微汗潤澤可也又忌梅李魚酒蜂蜜香鮮之類恐惹疔虫上行

蘇葛湯 初熱未見點發表之藥暫用分兩量見大小服之

紫蘇 二錢 葛根 二錢 甘草 二錢 白芍 五分 陳皮 五分

砂仁 五分

右剉連鬚葱白三根生姜二片水煎熱服

四物湯

當歸 一錢 川芎 一錢 地黃 一錢 芍藥 一錢

右剉一劑水煎服

一麻疹既出之時如色紅紫乾燥暗晦乃火盛毒熾急用六一散解之即滑石研末六錢粉草末一錢共一處每一錢薄荷湯和服或

四物湯去地黃加紅花炒黃芩進之

一麻疹退後若有牙根腐爛鼻血橫行並為失血之症急宜四物湯

加山茵陳木通生犀角以利小便

一麻疹泄瀉須分新久寒熱新瀉熱瀉者宜四苓散即猪苓澤瀉白

木茯苓加本通服寒瀉者十中無一如有傷食傷冷不得化以理

中湯即人參白朮乾姜甘草一服而止

一麻疹正出之時雖不進飲食者但得疹色淡紅潤澤真正不為室

也蓋熱毒未解內蘊實熱自不必食也退後若不食當徐用四物

湯加神曲砂仁一二貼快能食矣如胃氣弱者忌少下地黃

一麻退之後須避風寒戒水濕如或不謹遂終身咳嗽患瘡無有愈

一 痲疹前後大忌猪肉魚肉雞子之類恐惹終身之咳只宜用老雞
精火肉煮食少助滋味可也

清金降火湯 治痲疹後熱乘肺金聲嘶不出或咳或喘

蘇梗 陳皮 黃連 山梔子

石羔 玄參 貝母 瓜蒌 天門冬

麥門冬 當歸 生地黃 茯苓 桑皮

杏仁 白芍 甘草 生薑一片煎服

一 婦人有孕出痲疹當以四物湯倍加白朮條苓艾葉安胎清熱為主
則胎決無虞而痲疹易沒矣如胎氣上冲急用苧根艾葉煎湯磨生
枳殼服之更以四物湯大進之

新刊濟世全書卷之七終

瘰癧前後大忌豬肉魚肉雞子之類恐其助熱之故又宜用辛溫

補火肉黃食少助滋味可也

瘰癧火湯 治瘰癧後熱乘肺金燥熱少出或咳或喘

蘇梗 陳皮 黃連 枳實 山慈姑

石燕 玄參 貝母 瓜蒌 天門冬

麥門冬 當歸 生地黃 茯苓 杏仁

杏仁 白芍 甘草 蘇子 枳殼

一婦人年五十出瘰癧高以四物湯倍加白朮藥性平身熱瘰癧

瘰癧之無膿而瘰癧易沒矣如胎氣上冲急用此散其效如神

此散更宜四物湯大進之

瘰癧之終

